

Акафист святым Семи отроком Ефесским

Кондак 1.

Избранныи от воскрѣсшаго плотию из мѣртвых Христа́ Бѣга, во уверѣние общаго всѣх воскрѣсенія мѣру явлѣннии, предивнии ѳроцы, иже во Ефѣсе, прославляюще прославльшагося в вас Гѣспода, похвальная пѣния возносим вам, глаголюще:

Радуйтеся, страстотѣрпцы Христѣвы, всемирнаго воскрѣсенія мѣртвых пречуднии проповѣдницы.

Икос 1.

Ангелов Творѣц, ведый изначала несумнѣнную крѣпость исповѣдания вашего, сотвори вас в лютых обстоянннх провозвѣстники бѣти общаго всѣх воскрѣсенія, яко ангелоподѣбныя свидѣтели евангельскаго обетованія. Сицевѣму о нас смотрѣнню Бѣжнню днвящеся, во благоговѣнствѣ зовѣм снцѣ:

Радуйтеся, свѣтлыя звѣзды грядущаго воскрѣсенія; радуйтеся, преславннн лучн Христѣ Спаса воскрѣсшаго.

Радуйтеся, денннцѣ великаго днѣ Господннн; радуйтеся, из домѣв невѣрных вѣрная Христѣ чѣда явнвшннн.

Радуйтеся, в чѣдннн свѣт и свобѣду сынѣв воскрѣсенія призывнннн; радуйтеся, Дѣхом Свѣтым в проповѣдннннн глаголов животѣ вѣчнаго избраннннн.

Радуйтеся, страстотѣрпцы Христѣвы, всемирнаго воскрѣсенія мѣртвых пречудннннн проповѣдннннн.

Кондак 2.

Внद्याще вас роднтели разум дѣбр нмущая, потщашася в чнн воинскннн дружнны царѣвы вас устроитн; вы же, вся тлѣнная мнра презрѣвше, в Снѣн гѣрннн к Царю Небѣсному сердцы свонннн востекѣсте, да яко друзн Бѣжннннн

служителие тайны общаго воскресения вменени будете, поюще Христу: Аллилуия.

Икос 2.

Разум Христов чистыми душами воспряти сподобившися, дивнии отроцы, посреде греховныя жизни сверстник ваших благодатию Христовою соблюдаеми, дружок дружку любовию и единением духа братие явистесь, и во едино свершени бысте. Сего ради примите от нас похвалы сия:

Радуйтеся, единою банею пакибытия возрождени; радуйтеся, любовию Христовою аки братие соединени.

Радуйтеся, Церкви Божия чада возлюбленная; радуйтеся, Ангелов Божиих собеседницы.

Радуйтеся, паче брашен естественных истинным хлебом жизни себе питавши; радуйтеся, сею пищею чрез благодать Святаго Духа от смерти в жизнь процветши.

Радуйтеся, страстотерпцы Христовы, всемирнаго воскресения мертвых пречуднии проповедницы.

Кондак 3.

Сила Вышняго, тайники благодати в злостраданиях укрепляющи, сих венцем добропобедным исповедания увенчати пред человеки и ангелы сподоби, нас же научи пети Богу: Аллилуия.

Икос 3.

Имуще тщание в дом Господень на молитву по вся дни приходи, никакоже сего обычая отвергостесь, святии, гонению Декиеву бывшу; еже уведевше врази веры Христовы, царя о сем известити потщашася, обаче мучителя прещения на прославление вам силою Божиею пременишася. Таковому убо о вас Божию промышлению радующеся, со умилением глаголем вам сие:

Ра́дуйтеся, тёмныя сілы князя міра сего́ благодатию Христо́вою сокруші́вши; ра́дуйтеся, зло́бу и кова́рство слуг е́го́ всепобѣдно посрамі́вши.

Ра́дуйтеся, ко́зней и преще́ний их не убо́явшиися, ниже́ смуті́вшиися; ра́дуйтеся, по́мощию Бо́жиею ві́димо укрепі́вшиися.

Ра́дуйтеся, я́ко дрѣвле Даниїл в пещѣре льво́ве, посреде́ мучі́телей сохранѣ́ннии; ра́дуйтеся, сі́лою Влады́чною из сре́ды их невре́ждѣнно изведе́ннии.

Ра́дуйтеся, страстоте́рпцы Христо́вы, всемі́рнаго воскресе́ния ме́ртвых пречу́днии проповѣдницы.

Конда́к 4.

Бу́рею я́рости дві́жим, злочесті́вый Де́кий ца́рь во гнѣ́ве святы́я вопроша́ет: почто́ не бы́сте с на́ми в пра́здник бого́в, всю́ вселе́нную призва́вших к поклонѣ́нью? Ему́же Максимилиа́н, еди́н от седми́, отвеща́ет: има́мы еди́наго Бо́га и Ца́ря, я́же на небеси́, Ему́же прино́сим на вся́к ча́с же́ртву хвале́ния, испове́дания и моле́ния, пою́ще Ему́: Аллилу́ия.

И́кос 4.

Слы́шав нечесті́вый ца́рь, ка́ко ве́ру ва́шу со дерзнове́нием испове́даете, че́сти во́инскія лиші́ти ва́с повеле́, и та́ко испытáния ва́ша Христа́ ра́ди нача́шася, Христо́м скоропослу́шно в пречу́дное успе́ние преображе́нная. Те́мже и ны́не кре́пость в испытáниих от Бо́га умоли́те пою́щим:

Ра́дуйтеся, во́ини ца́ря земна́го, к во́инству Ца́ря небѣснаго сопричте́ннии; ра́дуйтеся, че́сть земну́ю оста́вльшии, да сла́ву небѣсную воспри́имете.

Ра́дуйтеся, земны́я че́сти за Христа́ лише́ннии;
ра́дуйтеся, сегó ра́ди венцы́ нетле́нными от Него́
увенча́ннии.

Ра́дуйтеся, победы́ Его́ пропове́дницы явле́ннии;
ра́дуйтеся, сла́вы Его́ вѣчныя седмочисленное блиста́ние.

Ра́дуйтеся, страстоте́рпцы Христо́вы, всеми́рнаго
воскресе́ния ме́ртвых пречу́днии пропове́дницы.

Конда́к 5.

Божественныя любве́ теплото́ю гре́емии, благода́тию
Христо́вою от мучи́телей покрове́ни яви́лися есте́, святи́и
о́троцы, Максимилиа́не, Иамвли́ше, Мартини́ане, Иоа́нне,
Диони́сие, Ексакусто́диане же и Антони́не, в ле́тех ю́ных
красоту́ вну́тренняго челове́ка с ле́потою вне́шнею
сочетава́юще и, я́ко А́нгели, в пла́мени испове́дания ва́шего
воспева́юще Бо́гу: Аллилу́ия.

И́кос 5.

Ви́дев злохи́трый ца́рь Де́кий зело́ благоле́пную ю́ность
ва́шу, на не́колико днй́ и осла́бу от у́з ва́м да́рует,
прельсти́ти ва́с ко отрече́нию от Христа́ наде́ясь. Вы́ же, во
сво́яси отше́дше, серебро́ и зла́то ни́щим разда́ти потща́стесь,
ко исхо́ду себе́ уготовля́юще. Сегó ра́ди воспису́ем ва́м
похва́льная сия́:

Ра́дуйтеся, зако́снёвшаго во зле́ мучи́теля на не́кое
милосе́рдие подвиѓшии; ра́дуйтеся, младе́нческою
кро́тостию ва́шею кова́рную злобу́ его́ на вре́мя угаси́вшии.

Ра́дуйтеся, красотóю сыно́в све́та злообра́зныя
служи́тели греха́ плени́вшии; ра́дуйтеся, Ду́ха Свята́го
благода́тию кова́рство их победно́ посрами́вшии.

Ра́дуйтеся, чрез разда́ние земны́х бога́тств сокрови́щем
небе́сным обогати́вшиися; ра́дуйтеся, и на́с взаи́м дава́ти

Бо́гу науча́ющей, да бога́тство неоскудева́емое на небесе́х
обря́щем.

Ра́дуйтеся, страстоте́рпцы Христо́вы, всеми́рнаго
воскресе́ния ме́ртвых пречу́днии пропове́дницы.

Конда́к 6.

Пропове́дует пеще́ра горе́ Охло́н чу́дную сла́ву ва́шу,
святи́и о́троцы, де́бри бо и верте́пы ея́ моли́твою ва́шею
облагоуха́ли есте́, отону́дуже на тве́рди церко́вней, я́коже
звёзды сла́вы небесе́сныя, из мра́ка гробо́в чу́дно возсия́вшыя,
яви́стеся и на́с Первонача́льнику о́бщаго воскресе́ния
Христу́ Бо́гу пе́ти научи́сте: Аллилу́ия.

И́кос 6.

Возсия́ти хотя́ лю́дем све́т исти́ны, мглу́ же
заблужде́ния разгна́ти, Христо́с Бо́г снiти ва́м во мра́к
моги́льный соизво́ли я́ко да по́слежде в дiвнем воста́нии
ва́шем о́бщее воскресе́ние уве́рит. Пред тако́вым Бо́жиим о
ва́с благово́лением прекло́няющеся, возсыла́ем ва́м
хвалё́ния сия́:

Ра́дуйтеся, тве́рдости ра́ди испове́дания от му́к
промысли́тельно избáвленнии; ра́дуйтеся, и на́с кре́пце за
пра́вду бра́тися науча́ющей.

Ра́дуйтеся, безболе́зненно по́двиг ва́ш сконча́вшии;
ра́дуйтеся, чу́дным снoм почи́вшии, во е́же воста́нием от
сего́ сна́ сме́рти мглу́ заблужде́ния разсе́яти.

Ра́дуйтеся, в нетле́нии теле́с ва́ших Го́сподем
соблюде́ннии; ра́дуйтеся, пре́жде о́бщаго воскресе́ния
изво́лением Бо́жиим воста́вшии.

Ра́дуйтеся, страстоте́рпцы Христо́вы, всеми́рнаго
воскресе́ния ме́ртвых пречу́днии пропове́дницы.

Конда́к 7.

Хотя безбожный царь нужею к идолослужению святых привлеци, паки праздник идольский устроет и тыя нань привести повелевает; не обретшим же тех во граде Ефесе слугом его, родители их казнию устрашити тщится, но от сих извещен бывает, яко святии в пещере сокрышася, воспевающе Богу: Аллилуия.

Икос 7.

Новое устремление злобы мир явил есть, егда родители место покаяния чад своих царю открыша, и тако любви отчия к ним отрекошася. Сего ради ко избранником Божиим глаголем сице:

Радуйтесь, миром отверженнии и Небо восприявшии; радуйтесь, Отца ради Небеснаго отцы земными преданнии.

Радуйтесь, отеческою любовью Его в таинственном сне чудно сохраненнии; радуйтесь, нетление улучившии и мир светом воскресения осиявшии.

Радуйтесь, путь к сему дивному свету нам указующии; радуйтесь, час кончины сбытием обетования Божия нам услаждающими.

Радуйтесь, страстотерпцы Христовы, всемирнаго воскресения мертвых пречуднии проповедницы.

Кондак 8.

Странное и преславное чудо всемогущества Божия на вас, святии отроцы, показася, камением бо по повелению Декиеву в пещере загражденнии и печатию запечатленнии, сто и осмьдесят лет даже до дней царя Феодосия тамо спяще пребыли есте, воставше же аки живии, саддукейское мудрование посрамили есте, поюще Христу, вас воскресившему: Аллилуия.

Икос 8.

Весь седмочисленный исповедников лик, во гробе каменнем заключен быв, жизни вечныя никакоже отлучися, но истекшим стом и осмидесятым летом сон от очес их произволением Божиим отрясся, и тако святии отроцы живии востаща, весь мир о воскресении всех уверяюще и нас пети научающе сие:

Радуйтесь, упование общаго воскресения обетованием Божиим утверждающи; радуйтесь, краеугольнаго ради Камене Христа Бога камением во гробе заграждении.

Радуйтесь, Его ради, во гробе запечатленного, печатю запечатлении; радуйтесь, Агнцем, вземшим на Себе грех мира, от уз смерти свободении.

Радуйтесь, во уверение общаго воскресения, якоже Лазарь четверодневен, из гроба изведении; радуйтесь, числу седми херувим, Престолу славы Божия предстоящих, сообразнии.

Радуйтесь, страстотерпцы Христовы, всемирнаго воскресения мертвых пречуднии проповедницы.

Кондак 9.

Всякое естество ангельское возрадовался о чуднем по мнозех летех востании вашем и ужасашеся: како вы, преславнаго убо чудесе, о вас бывшего, не ведуще, обычное целование друг другу подаете и утреннее пение Господу, аки вчера ко сну отшедшии, приносите, поюще: Аллилуия.

Икос 9.

Ветийствующий язык не возможет изрещи чудес Твоих, Господи, вемы бо, како блаженный отрок Иамвлих, многолетняго успения своего не разумя и во град за пищею ишедый, удивися, егда Ефес, Христовою верою издавна просвещенный, увиде, и Господа прослави, нас же глаголати сотвори таковая:

Ра́дуйтеся, де́лателие на н́иве Госпо́дней, моли́твенныя слéзы обильно проли́вшии; ра́дуйтеся, в ску́дости и гоне́нии почи́вшии, во сла́ве и бога́тстве воста́вшии. Ра́дуйтеся, зр́ением торжества́ ве́ры Христо́вы, во дни́ ва́ша гони́мыя, по воста́нии обра́дованныи; ра́дуйтеся, побéду Христа́ над ми́ром я́ве узр́вшии.

Ра́дуйтеся, и на́с на сию́ упова́ти науча́ющии; ра́дуйтеся, от уны́ния на́с огражда́ющии.

Ра́дуйтеся, страстоте́рпцы Христо́вы, всеми́рнаго воскресéния ме́ртвых пречу́днии проповéдницы.

Конда́к 10.

Спасти́ хотя́ Бо́г и в ве́ре утверди́ти лю́ди, сия́ о многоле́тнем успéнии Иамвли́ха чрез дрéвний пéнязь, на то́ржище им́ принесéнный, науча́ет, епи́скопу гра́да сия́ уразумéвшу и Бо́га просла́вившу с пéснию: Аллилу́ия.

И́кос 10.

Стена́ и утвержде́ние ве́ры яви́стеся, свя́тии, челове́ком, в пещéру ва́шу пришéдшим и ковче́жец с харти́ею обрётшым, на нейже́ имена́ ва́ша и кончи́ны о́браз напи́сана бы́ша, во е́же пéти все́м:

Ра́дуйтеся, се́дмь избра́нных сосу́дов Бо́жиих; ра́дуйтеся, вку́пе со святы́ми му́ченики елее́м ра́дования пома́заннии.

Ра́дуйтеся, се́дмь свети́льников пред Престо́лом Хода́тая Бо́га и челове́ков; ра́дуйтеся, се́дмь тру́б благове́стия второ́го пришéствия Сы́на Челове́ческаго.

Ра́дуйтеся, се́дмь а́нгел, благовествующих на́м сла́ву до конца́ претерпе́вших; ра́дуйтеся, я́ко седмисве́щник златый, це́рковь Бо́жию украша́ющии.

Ра́дуйтеся, страстоте́рпцы Христо́вы, всеми́рнаго воскресéния ме́ртвых пречу́днии проповéдницы.

Конда́к 11.

Пе́ние благодарственное Пресвяте́й Трои́це вознося́, благочести́вый ца́рь Феодо́сий со тща́нием во Ефе́с устремі́ся, во е́же святы́я о́троки ви́дети, и се́дмь днѣй та́мо пребыва́ше, до́ндеже сий, главы́ прекло́нше, ду́х сво́й Го́споду преда́ша, кúпно с нѣми побѣдную возсыла́я пе́снь Христу́ Бо́гу: Аллилу́ия.

И́кос 11.

Свети́льницы, тьму́ е́реси разгоня́ющии, яви́лися естѣ́, святы́и о́троцы, све́том нетле́ния ва́шего сия́ющии и блаже́нным по воста́нии па́ки успе́нием и́стину грядúщаго живота́ утвержда́ющии, саддукѣ́йское бо мудрова́ние посрамѣ́вше, вся́ раздо́ры церко́вныя ути́шили естѣ́, о́бщее воскресѣ́ние вкúпе с дрѣвним Ла́зарем уверя́юще. Те́мже, благодаря́ще о се́м Го́спода, со умилѣ́нием зове́м ва́м:

Ра́дуйтесь, ско́рбное жити́е на́ше до́брым упова́нием осиява́ющии; ра́дуйтесь, посреде́ во́лн жити́я сегó к приста́нищу небе́сному на́с направля́ющии.

Ра́дуйтесь, я́ко зве́зды, во оти́шие блаже́ннаго покóя в черто́зе Христо́ве на́с путево́дящии; ра́дуйтесь, блаже́нство ве́чное, скорбя́щим угото́ванное, благовествúющии.

Ра́дуйтесь, я́ко недостóйны сýть стра́сти ны́нешняго вре́мене к бúдущей сла́ве, уверя́ющии; ра́дуйтесь, до́блии ве́стницы ца́рства небе́снаго б́ввшии.

Ра́дуйтесь, страсотѣ́рпцы Христо́вы, всеми́рнаго воскресѣ́ния ме́ртвых пречúднии проповѣ́дницы.

Конда́к 12.

Благода́ть даде́ся ва́м от Бо́га, во е́же вся́ люба́щая и чтúщия вы́ в чу́дный све́т Егó руково́дствовати. Те́мже и на́шея жи́зни ско́рбный пúть крѣ́пкою наде́ждою воскресѣ́ния озари́те, от грехóвныя погѣ́бели на́с соблюди́те

и в час смертный нам предстаните, да вашим заступлением невечерняго света величества Божия и мы грешнии достигнем, идеже с лики праведных воспойм о вас Богу: Аллилуия.

Икос 12.

Поюще дивное прославление силы Божия в вас, святии отроцы, ублажаем вы, яко заступники и молитвенники наша пред Господем, и с любовью, святей иконе вашей предстояще, возглашаем вам хваления сия:

Радуйтесь, в Россійстей земли града Старицы похвало и утверждение; радуйтесь, вся окрестныя веси славою благодатныя помощи ваша исполнившии.

Радуйтесь, болящих младенцев прибежище и исцеление; радуйтесь, скорбей родителей их неложное врачевание.

Радуйтесь, всем любящим и чтущим вы покрове и ограждение; радуйтесь, всего мира христианскаго помощи и заступление.

Радуйтесь, страстотерпцы Христовы, всемирнаго воскресения мертвых пречуднии проповедницы.

Кондак 13.

О чуднии отроцы, светом небесныя славы ваша и уверением нескончаемаго живота скорбный путь жития нашего озаряющи! Примите малое сие моление наше и не отрините нас, притекающих к вам: молитесь присно всех Владыку, да и мы райскаго чертога не лишени будем, но вкупе со святыми воспойм тамо Христу Богу: Аллилуия.

Этот кондак читается трижды, затем икос 1 и кондак 1.

Молитва первая.

Боже великий, хвальный и непостижимый, и неисповедимый, создавший человека рукою Твоею, персть взем от земли, и образом Твоим почтливый его, Иисусе

Христѣ, пржелаемое имя, со Безначальным Твоим Отцем и с Пресвятым, и Благим, и Животворящим Твоим Духом, явися на рабе Твоем (имярек), и посети его душу и тело, умоляем от преславныя Владычицы нашея Богородицы и Приснодевы Марии, святых Небесных Сил Безплотных, и честнаго славнаго пророка, и Предтечи и Крестителя Иоанна, святых славных и всехвальных апостолов, иже во святых отец наших, и вселенских учителей, Василия Великаго, Григория Богослова, Иоанна Златоустаго, Афанасия и Кирилла, Николая иже в Мирех, Спиридона чудотворца, и всех святых священноначальников, святаго апостола первомученика и архидиакона Стефана, святых славных великомучеников Георгия Победоносца, Димитрия Мироточца, Феодора Стратилата, и всех святых мучеников, преподобных и богоносных отец наших Антония, Евфимия, Саввы Освященнаго, Феодосия общаго жития начальника, Онуфрия, Арсения, Афанасия Афонскаго, и всех преподобных, святых и исцелителей, безсребренников Космы и Дамиана, Кира и Иоанна, Фалалея и Трифона и прочих, святаго праведнаго Иоанна Кронштадтскаго, святаго преподобнаго Иоанна Рыльского, святых блаженных Ксении Петербуржской и всех Твоих святых. И даждь ему сон упокоения, сон телесный здравия и спасения и живота, и крепость душевную и телесную, якоже посетил еси иногда Авимелеха угодника Твоего во храме Агриппове, и дал еси ему сон утешения, еже не видети падения Иерусалимова, и сего успивый сном питательным, и паки сего воскресивый во едином мгновении времени, в славу Твоея благодости. Но и святых Твоя славных седьмь отроки, исповедники и свидетели Твоего явления показавый, во дни Декия царя и отступника, и сия успивый в вертепе на лет сто и осмьдесят, яко младенцы согреваемые в ложеснах матери своея, и никакоже претерпевшыя тления, в похвалу и славу человеколюбия Твоего, и в показание, и извещение нашего пакибытия, и воскресения всех. Сам убо Человеколюбче

Царю, предста́ни и ны́не най́тием Свята́го Твоего́ Ду́ха, и посети́ раба́ Твоего́ (имяре́к), и да́руй ему́ здра́вие, крѣпость, и благомо́щие, Твоею́ бла́гостию, я́ко от Тебе́ е́сть всяко да́ние бла́го, и всяк да́р соверше́н. Ты́ бо еси́ вра́ч ду́ш и телѣс на́ших, и Тебе́ сла́ву и благодарѣ́ние и поклонѣ́ние возсыла́ем, со Безнача́льным Твои́м Отце́м, и с Пресвяты́м, и Благи́м, и Животворя́щим Твои́м Ду́хом, ны́не и прѣсно, и во ве́ки веко́в. Ами́нь.

Моли́тва втора́я.

О пречу́днии святи́и седмочи́сленнии о́троцы, Ефе́са гра́да похвало́ и всея́ вселѣ́нныя упова́ние! Воззрите́ с высоты́ небѣ́сныя сла́вы на на́с, любо́вию па́мять ва́шу чту́щих, наипа́че же на младе́нцы христиа́нския, ва́шему заступле́нию от роди́телей свои́х препору́ченныя. Низведе́те на ня́ благослове́ние Христа́ Бо́га, ре́кшаго: оста́вьте дете́й приходи́ти ко Мне́. Боля́щия у́бо в них исцелите́, скорбя́щия утѣшите; сердца́ их в чистоте́ соблюди́те, крѣпостию испѣ́лните я́, и в земли́ серде́ц их зерно́ испове́дания Бо́жия насади́те и укрепите́, во е́же от си́лы в си́лу им возраста́ти. И все́х на́с, святѣ́й ико́не ва́шей предстоя́щих рабо́в Бо́жиих (имяре́к), и те́пле ва́м моля́щихся, сподо́бите Ца́рствие Небе́сное улу́чити и немол́чными гласы́ ра́дования та́мо прославля́ти велико́лепое и́мя Пресвяты́я Тро́ицы, Отца́ и Сы́на и Свята́го Ду́ха, во ве́ки веко́в. Ами́нь.